

# آنادولو مجوسی

علم و ادیانده باعث آیلور مرقوم

## مندرجات

|                 |                             |                  |                                    |
|-----------------|-----------------------------|------------------|------------------------------------|
| کمال احمد       | عایشه توز کوسی              | محمد مهال        | ملیت پرو لکک معناسی                |
| فخر الدین محمدی | الاسه                       | حبیب عاصم        | ( بیلنر بیلنه یئلره<br>اوکره تون ) |
| رشاد شمس الدین  | قانت و فلسفه سی             | مهنی ضیا         | تورک قوملری                        |
| محمد شرف        | آنقره                       | حبیب فاضل        | بالان دوکن داغری                   |
| محمد امین       | ( ارتجاع قارشینده<br>کنجک ) | محمد مظفر        | غربت آقشامنده                      |
| محمد فاضل       | اورفا شاعرلری               | محمد کمال        | برتقدیر تجر به سی                  |
| محمد خالد       | نجاتینک شعر                 | مکریم خلیل       | آنادولونک تشکلی                    |
| ضیاء الدین فخری | آنادولو قادیقلی             | اسماعیل نامی     | داغلره                             |
| محمد طاهر       | عمر سیف الدین دائر          | عمر بدر الدین    | کوکلی                              |
| حسن جمیل        | جنازه نوی ( حکایه )         | صنعت کمال        | اوسای کوزل ایچون                   |
| عبدالرحیم شریف  | موش اوواستده                | محمد فاروق       | جشمه                               |
| آناک ایزلری     |                             | ضیاء الدین فخری  | تاریخچه ارضروم                     |
|                 |                             | صلاح الدین محمدی | ( اسولنر جالشه تک<br>تیجملری )     |

# آنادولو مجموعه

آبده بنشر اولور

سای : ۹۰ ، ۱۰ ، ۱۱

برنجی سنه

کانون اول ، کانون ثانی ، شباط ۱۳۴۱

مضاجه :

## ملیتپرورلکک معناسی

ملیتپرورلکک اؤک ابتدائی ، اؤک بسیط ، وهلهٔ خاطره کلن تعریفی ، « برکیمه نؤک منسوب اولدیفی ملتی سومه سی ، اولنؤک ایچون چالیشمه سی ، فائده لی اولمه سیدر . » بو تعریفه نظرآ ، ملت ایله ملیتپرور آراسنده یاقین برعلاقه ، صیقی بررابطه ، قطعی برمناسبت وارددر و ملیتپرور تعیرینی ایضاح ایدمه بیلیمک ایچون اول امرده « ملت » مفهومی اؤگزرمده دورمق ایجاب ایتیمکده در .

ملت نظریه لری اطرافنده نه قادار مناقشه اجرا ایدیلیرمه ایدیلین ، ملت کیمه نه ناصل برمعنا ویریلیرمه ویریلین ، حقیقتده ملت « وطنی وحرثی مشترک اولان هیئتدر . » ضیا کؤک آلپ بؤک « ملت ، لسانجه ، دیجه ، اخلاقه ، بدیعیاتجه مشترک اولان ، یعنی عینی تربیه یی ائش فرلدردن مرکب بولونان برزمرده در . » دییور . [\*] بو عبارده ده ، کلی تشکیل ایدن جزؤلر آراسنده معنوی بر اشتراکدن عبارت اوله رق تثبیت ایدیلن رابطه ، نقطهٔ نظریتمزه کوره ناتمامدر . ملتی ترکیب ایدن فردلر آراسنده او رابطه یی اتمام ایدمه جک قوت ، وطن اشتراکیدر . حرثجه مشترک اولان ، فقط وطنلری مشترک اولمیان فردلر ، عینی ملتدن دکلدرلر . بؤک کبی وطنلری مشترک ، لاکن حرثلری یکدیگرکندن آیری اولان فردلرده برملتک چوجوخی اولامازلر . ضیا بؤک بومطالعهمزی - ملتک تشکلی ایچون فردلرک دوینولرده اشتراککی کافی کورمه سنه رغماً - شوایکی مثال ایله تأیید ایتیمکده در :

۱. — « بویوک بریتانیا آطه لرنده آنغلو ساقسون ، استوچالی ، غالی ، ایرلاندا لی

نامرلیه دوت ملت واردرد. بو مختلف جمعیتلرک لسانلری و حرثلری بربرندن آیری اولدیفنی ایچون هیئت مجموعه لرینه ملت آدینی ویرمک دوغری دکلدرد. [\*]

۲. — «.... انسان الک صیمی، الک درونی دویغولرینی ایلمک تربیه زماننده آلیر. دها بشیکده ایکن ایشیدیکی نینیلرله آنا دینلک تاثیر آلتنده قالیر. بوندن دولاییدرکه الک چوق سودیکمز لسان آنا دیلمزدر. روحزده وجود ویردن بوتون دینی، اخلاقی، بدیی دویغولریمزی بولسان واسطه سیله آلمشز. ذاتاً روحزک اجتماعی حسلری، بودینی، اخلاقی، بدیی دویغولردن عبارت دکیدر؟ بونلری چوجقلمزده هانکی جمعیتدن آلمشوق، داتما اوجمیتده یاشامق ایستهرز. باشقه بر جمعیتک ایچنده دها بویوک بررفاهله یاشامه من ممکن ایکن، جمعیمز ایچنده کی فقری اوکا ترجیح ایدهرز. چونکه دوستلر ایچنده کی بوفقیلرک، یابانچیلر آراسنده کی اورفاهدن زیاده بزنی مسعود قیلار. ذوقمز، وجدانمز، اشتیاقلریمز، هب ایچنده یاشادیمز، تربیه سنی آلدیمز جمعیتکدر. بونلرک عکس صداسنی آنجق اوجمیت ایچنده ایشیده بیلیرز. اوندن آیریلوبده باشقه بر جمعیه انتساب ایدیه بیلیمز ایچون، بویوک برمانع واردرد. بومانع، چوجوقلمزده اوجمیتدن آلمش اولدیمز تربیه یی روحزدن چیقارب آتمه نک ممکن اولمه سیدر. بومکن اوله دینی ایچون اُسکی جمعیت ایچنده قلمغه مجبورز. » [\*\*]

بومثاللردن ایکنجیسنده ضیا کوک آلپ بکک «جمعیت» کلمه سیله افاده ایتدیکی محیط، وطندن باشقه نه در؟ تربیه جیلر محیطی آکلاتیرلرکن، اطرافمزده کی ذی روح و غیرذی روح بوتون عناصری بومفهوم داخلنده کورمکده تردد ایتمه یوردلر. اوحالده، ضیا بکه کورده ده ملت، حرثی کبی وطنی ده مشترک اولان افرادک وجوده کتیردیکی هیئتدر، دیه مک ایچون برسبب یوقدر. اساساً وطنده اشتراک اوله نیجه، تربیه ده، دویغولرده اشتراک اولاماز. تربیه، همان تماماً محیطک اثریدر. افراد آراسنده تربیه وحدتنک، جمعیتک تشککنده عامل اولدیفنی سوبله مکله، ضیا کوک آلپ بک، وطن وحدتی ده جمعیتک تشککنده اساس اوله رق قبول ایتک ضرورتنده در.

ملت تعیرندن نه آکلامق لازم اولدیفنی ایصاحدن صوکر اورتیه شوبله برسؤال وضع ایدیه بیلیرز:

— عجیا بز هانکی ملتدنز؟

بعض کیمه لرک بوسؤاله

[\*\*] تورکیلیکک اسلامری، ص ۱۸.

[\*\*\*] تورکیلیکک اسلامری، ص ۱۹ - ۲۰.

— تورک ملتندز .

جوانی ویزه جکله رینه شهبه من یوقدر . یوقاریده « ملت » تعیری ایضاح ایدورکن ویردی کمز تفصیلاتدن آکلا شیلشدورکه « تورک » نامی بر ملتک آدی دکلدر . بونام ، بر عرقک عنوانیدرکه ، اوندن متعدد ملتر چیقمشدر : آنادوللولر ، آذربایجانلیلر ، شماللیلر ، تورکستانلیلر ایچ . . . . . بونلرک هپسی بلا شک تورکدرلر ؛ فقط بر ملتدن دکلدرلر . بر ملتدن اوله بیلملری ایچون حرث و وطنلرینک بر اولمه سی ایجاب ایدور . حالبوکه وطنلری یکدیگرندن آیری ، حتی حرثلری ده بر برندن باشقهدر . آنادوللو حرثیه ، بعضیلرینک شمال تورکلری دیدکلری تانارلرک حرثی عینیمدر ؟ اوزاقلره کتیمه لم ، آنادولویه قومشو اولان آذربایجانلیلرک حرثی ، بزم حرثلره ، آنادوللو حرثیه توائمیدر ؟ ایسته آرالنده حرث ووطن اشتراکی اولمهدینی ایچون ، عینی عرقدن انشعاب ایدن آنادوللولر ، آذربایجانلیلر ، شماللیلر ایچ . . . . . بر ملت تشکیل ایدومزلر . بونلرک عرقی اسملری اولان « تورک » که سنی هپسی قوللانمقده حتیلدرلر . بناء علیه بونلردن هر هانکی بری « تورک » عنوانیه یادایدیلک ایسته دیکی تقدیرده ، اونه کنک حقی آلمش اوله جقدر . بوسیله ، هپسی ، « تورک » تعیری عرقلرینک آدی اوله رق بر اقمش ، کندیلرینی باشقه بر اسمله یاد ایتک طریقی اختیار والتزام آلمه مشدر : آنادوللولر ، آذربایجانلیلر ایچ . . . . . کبی . شوحاله نظراً یوقاریده وضع ایله دی کمز سؤاله ، سادجه :

— تورک ملتندز .

صورتنده جواب ویرمک دوغریمیدر ؟ البته خایر ، « تورک ملتندز » دیمک ، عرقلرک اسمنی تخصیصاً کندیمزه اضافه ایتک وتورک عرقدن کلن دیگر ملتلرک بواسم اوزونده کی حقی انکار آلمه مگدر . بونکله برابر ، ده اخیج اوله رق « تورک ملتندز » دیمکه بویوک و محتشم بر حقیقی اونوتش ، یا خود قصداً کورمه مش اولو یورز که اوده تاریخمزدر ، ماضیمزدر . بز تورک ملتندن دکلز ، تورک صوبندز . تورک صوبنک دیگر شعبه لری عنوانلرینی یاناریخلرندن ، یا خود محیطلرندن آلمش ، کندیلرینه تورکستانی ، شمالی ، آذربایجانلی دیشلردر . ملتیزک آدی بزده بونلر کبی ، یا تاریخمزدن بولوب چیقارمق ، یا خود محیطمزدن آلمق مجبوریتندز . ناصل که ، اسمزی تاریخمزدن بولوب چیقارمغه ، محیطمزدن آلمق ترجیح ایتشز : بز آنادوللو یز ، وطنمز آنادولو ، ملتمز آنادولو ملتیدر . بونقطه به کلا کدن صوکرا ، بزه کوره ملیتپورولکک معناسی نهدر ؟ بوجهی تدقیق ایدوبیلیرز ؟ آنادولو ملتی نظرند ملیتپورولکک آنحق ایکی معناسی اوله بیلیر :

۱. — تورک صومندن اولان ، فقط آیری وطنلرده ، آیری برر جمعیت حالنده یاشایان بوتون ملتلی بر آرایه ، بر مرکز اطرافنه طوبلامق و بر تورکلک جامعه‌سی وجوده کتیرمک ؛ بوکا زبازرد تعبیریه « تورانخلیق » دیمک جائزدر .

۲. — کندی وطنزده ملی بر دولت اوله‌رق قالمق ، بو ملی دولتی ایلرله تمک ، بوکسه‌لتمک . بوکا « تورکیه‌جیلک » ، « ملکتجیلک » دینه‌لر وارسده ، بویکی تعبیرک ایکیمی ده یا کاشدر ؛ مقصدی آکلاتمغه کافی دکلدر . کندی وطنزده ملی بر دولت اوله‌رق قالمق ایستهرکن « کندی وطنز » ترکییه آنادولوی قصه ایدیورز . تورکیه‌جیلک ، ملکتجیلک دینجه ، مستملک‌لری آنا وطنه قاریشدیرمق ، آنا وطنه برابر کورمک ته‌لکسی واردر . بو اعتبار ایله اصل وطنده ملی بر دولت قورازق اوئی ایلرله تمک ، بوکسه‌لتمک غایه‌سی تعیب ایدن ملیت‌پرورلری تورکیه‌جی ، ملکتجی و میلیت‌پروری تورکیه-جیلک ، ملکتجیلک عد ایتمک بر نوع جسارت اولور . بونلره اک مناسب اوله‌رق — یکی بر تکلیف اولدینی ایچون بلکه بر آرز غریب کورنورسده — آنادولوجی ، میلیت‌پرورسده آنادولوجیلک دیمک هم دوغریدر ، همده بواسطه مدحش بر کوزده‌لک ، امثالسز بر جاذبه واردر ؛ تورکیه‌جیلک ، تورک‌جیلک ، تورانخلیق ، ملکتجیلک کبی یاران ، طاسر ، اویدورمه دکلدر ، مستقیم بر میلی ، اساسی ، قوی بریاسی ، بر ملیت‌پرورلک سیاستی افاده ایدر . تورانخیلنگ مقصدی ؛ تورک عرقندن اولان ، لاکن باشقه باشقه وطنلرده باشقه باشقه جمعیتلر حالنده عضو ایدن بوتون ملتلی بر مرکز اطرافنه طوبلامق ، بر تورکلک جامعه‌سی یاقمقدر . بو آرزو ، دون خیال ایدی ، بوکوندده خیالدر ، یارین ینه خیال قاله‌جق و هیچ بروقت ، هیچ بر صورتله تحقق ایتمه‌جکدر . آنادولو ملتلی ایچون تورانخلیق برغایه ، بر مفکوره اوله‌ماز . بو ملتک بویله بر مفکوره ایچون چالیشه‌جق نه قوتی ، نه وساطتی واردر . بونلر اولسه بیله آنادولو ملتک تورانه ، تورانخیلغه احتیاجی یوقدر . اونک مفکوره‌سی آنجق یوردنده ملی بر دولت قورمق ، بودولتی کالنه ایریشدیرمکدر . آنادولوده ایلک ملی دولتمراولان سلجوقی مؤسسسی زماننده بوراده بر مدینت دوغمش ، انکشافی ایتمشدی . آنادولو ملتک برنجی وظیفه‌سی ، بوکندیسنه عائد خصوصی ، شخصی مدینتی یکیدن ابداع ایتمکدر . بوکون قوروروشش اولان ملی جمهوریتدن صوگرا ، ملی مدینت یاقمق ؛ ایشته آنادولو ملتک مساعی ساحه‌سی . آنادولو ملتله کوره ملیت‌پرورلکک معناسی بوساحه‌ده موفق اولمق ، بوساحه‌ده ممکن مرتبه سرعتله یورومک و هدفه واصل اولمقدر .